

# Aningaasarsianit akileraarutit pillugit Inatsisartut inatsisaata allanngortinneranik Inatsisartut inatsisaat (Ingerlatseqatigiiffit akileraarutaanik appaaneq soraarnerussutisianullu maleruagassat ilaannik allannguineq)

## § 1

Aningaasarsianit akileraarutit pillugit Inatsisartut inatsisaat nr. 12, 2. november 2006-imeersumi, ilaatigut Inatsisartut inatsisaat nr. 29, 28. november 2016-imeersumi, Inatsisartut inatsisaat nr. 7, 6. juni 2016-meersumi, Inatsisartut inatsisaat nr. 18, 26. juni 2016-imeersumi, Inatsisartut inatsisaat nr. 48, 23. november 2017-imeersumi, kingullermillu Inatsisartut inatsisaat nr. 41, 2. december 2019-imeersumi, allanngortinneqartumi, makkua allanngortinneqarput:

**1. § 39, imm. 1, nr. 3, imatut oqaasertalerneqarpoq:**

"3) Utoqqalineq pissutigalugu soraarnerussutisiat siusinnerpaamik 60-inik ukioqalernermi, taakkuninnga ukiukinnerunissaq akileraartarnermut ingerlatsivimmit akuerineqarsimangippat, tunniunneqartarnerat aallartissinnaavoq."

**2. § 39 a-mi, imm. 2, nr. 1-imi, uniffiup aappaatut ilanngunneqarpoq:**

"Soraarnerussutisiaqarnissamut aningaasaateqarfik imaluunniit inuunermut soraarnerussutisiaqarnissamullu sillimmasiisarfik Danmarkimi angerlarsimaffeqassaaq."

**3. § 39 a, imm. 2, nr. 2, imatut oqaasertalerneqarpoq:**

"2) Utoqqalineq pissutigalugu soraarnerussutisiat siusinnerpaamik 60-inik ukioqalernermi, taakkuninnga ukiukinnerunissaq akileraartarnermut ingerlatsivimmit akuerineqarsimangippat, tunniunneqartarnerat aallartissinnaavoq."

**4. § 39 c kingorna ilanngunneqarpoq:**

"**§ 39 d.** Akiliinerit aningaasat akileraarusigaasut atorlugit pisimappata, soraarnerussutisianut aningaasaateqarfinnit, inuunermut soraarnerussutisianullu sillimmasiisarfinnit, aningaaserivinnit il.il. Danmarkimi imaluunniit Kalaallit Nunaanni angerlarsimaffeqanngitsunit imaluunniit Kalaallit Nunaanni aalajangersimasumik ingerlatsiveqanngitsunit soraarnerussutisianik tamakkiisumik ilaannaasumilluunniit akileraaruserneqartussaanngitsunik siunissami tunniussisarnissaq, Akileraartarnermut ingerlatsiviup

qinnuteqartoqarneratigut akuerisinhaavaa. Piumasaqaatit makkua tamarmik naammassineqarsimassapput:

- 1) Aaqqissuussineq soraernerussutisiaqarsinnaatitaasup imaluunniit sillimmasiisup Kalaallit Nunaannut tamakkiisumik akileraartussaatitaalinnginnerani pilersinneqarsimassaqq aammalu aaqqissuussineq nunami Kalaallit Nunaata marloqiusamik akileraarusiinnginnissaq pillugu isumaqatigiissuteqarfingisimasaani pilersinneqarsimappat, soraernerussutisiaqarsinnaatitaasoq imaluunniit sillimmasiisoq isumaqatigiisummi aalajangersakkat malillugit Kalaallit Nunaanni angerlarsimaffeqartutut isigineqassalluni.
- 2) Nunani allani, Danmarkimi, Savalimmiuni imaluunniit Kalaallit Nunaanni isertitanik akileraaruteqartussanik naatsorsuinermeri, aaqqissuussinermut akiliinernut tamakkiisumik ilaannaasumilluunniit ilanngaatigineqarsinnaaneri imaluunniit ilanngasiisoqarsinnaatitaaneri atuussimanngitsoq, soraernerussutisiaqarsinnaatitaasup imaluunniit sillimmasiisup upternarsassavaa, taamaattoq takuuq imm. 3.
- 3) Soraernerussutisiaqarsinnaatitaasup imaluunniit sillimmasiisup Kalaallit Nunaannut tamakkiisumik akilerartussaatitaalernerata kingorna aaqqissuussinermut akiliisoqarsimassanngitsoq, Norgemi, Savalimmiuni Islandimi imaluunniit nunani allani EU-mut ilaasortaasuni akileraarusiinermut ingerlatsisut soraernerussutisiaqalertussaatitaaneq pillugu Inatsisartut inatsisaat naapertorlugu akuerisimasaat eqqaassanngikkaanni.
- 4) Tamatumunnga Kalaallit Nunaat akileraarusiisinnaatitaasimappat, piffissami soraernerussutisiaqarsinnaatitaasup imaluunniit sillimmasiisup Kalaallit Nunaannut akileraartussaatitaanerani soraernerussutisionut aaqqissuussinermut pissarsianit akileraarummik akiliisoqarsimassaqq.

*Imm. 2. Aaqqissuussinermik pilersitsinermi imaluunniit aaqqissuussinermut akiliinermi siunertaasut pingarnerit ilaat Kalaallit Nunaanni imaluunniit Kalaallit Nunaata avataani akileraaruserneqarnissamik pinngitsuuiniarnertut isigineqartariaqartoq, pissusiviusut aammalu pisut tamaasa eqqarsaatigalugit naapertuuttumik aalajangiunneqarsinnaappat, imm. 1-imi piumasaqaatit naammassineqarsimanaerat apeqquatainnagu, akileraartarnermut ingerlatsiviup qinnuteqaatip akuerinissaa itigartissinnaavaa.*

*Imm. 3. Soraernerussutisionut aaqqissuussinermut akiliinerit aningaasat akileraarusigaasut imaluunniit akileraarusigaanngitsut atorlugit pisimappat, imm. 1 naapertorlugu akuersissuteqarnermi tunniussinerit ilai, inuup aningaasat akileraarusigaanngitsut atorlugit akiliinernut tunngassuteqartut upternarsarsinnaasaattut annertussuseqartut, kisimik ilaatinneqassapput. Pissarsiat, erniat assigisaalluunniit aningaasat akileraarusigaanngitsut atorlugit akilerneqartunut tunngassuteqartut ilanngunneqassanngillat.”*

#### **5. § 44, imm. 2, nr. 1, imatut oqaasertalerneqarpoq:**

”1) aaqqissuussinermi § 39, imm. 1-imi, § 39 a, imm. 1-2-imi, § 39 c-mi aamma § 40, imm. 1-imi pineqartunut ilaatinneqartut, kiisalu aaqqissuussinermi allat danskit soraernerussutisionik akileraarusiisarnermut inatsisaanni § 53 A-mi pineqartunut ilaasut, soraernerussutisionut sullissivimmi Danmarkimi angerlarsimaffeqartumi pilersinneqarsimasut”

#### **6. § 45, imm. 3-imi imm. 4-tut ilanngunneqarpoq:**

”Imm. 4. Soraernerussutisionut aaqqissuussinermi, naafferartumik imaluunniit ataatsikkut

tunniunneqartussanit, aammalu danskit soraarnerussutisianik akileraarusiisarnermut inatsisaanni § 53 A-mi pineqartunut ilaasumit aammalu soraarnerussutisianut aningaasaateqarfimmi Danmarkimi angerlarsimaffeqartumi, sillimmasiinermik suliaqarneq pillugu inatsimmi pineqartunut ilaasumit, imaluunniit inuunermut soraarnerussutisianullu sillimmasiisarfimmi Danmarkimi angerlarsimaffeqartumi, sillimmasiinermik suliaqarnermik ingerlatsinissamut Finanstilsynimit akuersisummik tunineqarsimasumi pilersinneqarsimasumit, soraarnerussutisianut aaqqissuussinermut § 39 a imm. 1-imi aamma imm. 2-mi pineqartunut ilaasumut ingerlaavartumik tunniussiviusartumut, nuussineq, tunniussinertut imaluunniit akiliinertut suliarineqassanngilaq. Uniffik siulleq malillugu nuussineq akileraartarnermut ingerlatsivimmit akuerineqassaaq. Aaqqissuussinerup nuussinermi tigusiffigineqartup 2016-ip naanerani atuutilersimanissa aammalu nuussinerup 2023 naatinngagu akileraartarnermut ingerlatsivimmit akuerineqarsimanissa, piumasaqaataavoq. Tamatuma saniatigut Kalaallit Nunaanni imaluunniit nunani allani aaqqissuussinermut akiliinerni ilanngaatigineqarsinnaaneri imaluunniit ilanngasiisoqarsinnaatitaaneq atuussimanngitsut, akileraartussaatitaasut upternarsassagaat, piumasaqaataavoq. Nuussineq inummut ataatsimut soraarnerussutisianut aaqqissuussinermut pioereersumut imaluunniit pilersinneqaqqammersumut allamut pissaaq. Aaqqissuussinernik allanik, naafferartumik imaluunniit ataatsikkut tunniunneqartussanut annertunerpaatigut sanilliunneqarsinnaasut, immikkoortumi matumani maleruagassat malillugit suliarineqarnissaa Akileraartarnermut ingerlatsiviup akuerisinnaavaa.”

**7. § 46, imm. 1-imi, uniffit sisamaattut ilanngunneqarpoq:**

“Soraarnerussutisianut aaqqissuussineq, imm. 5-6 malillugit akitsuuserneqartussaatitaasoq, aaqqissuussinertut isertitanik akileraaruteqartussanik naatsorsuinermi, aaqqissuussinermut akiliinerni ilanngaatigineqarsinnaanerattut imaluunniit ilanngasiisoqarsinnaatitaanertut isigineqartoq.”

**8. § 46-ip kingorna, ilanngunneqarpoq:**

**” § 46 a.** Pigisanit pissarsiat ilaasa akileraaruserneqartarnerat pillugu Inatsisartut Inatsisaat malillugu akileraarusiinermut matussutissatut soraarnerussutisianut aaqqissuussinernit tunniussinerit, isertitanut akileraaruteqartussanut ilanngunneqassanngillat aammalu piffissaangitsumi atorunnaarsitsinernut isigineqassanatik.

*Imm. 2.* Pigisanit pissarsiat ilaasa akileraaruserneqartarnerat pillugu Inatsisartut Inatsisaat malillugu akileraarummut matussutissatut aningaasanik tunniussineq, kingusinnerpaamik ukiup pissarsiassat pissarsiassanngorfiata kingorna ukiumi pissaaq.”

**9. § 60, imm. 1-imi aamma 2-mi, "30" allannortinneqarpoq uunga: "25".**

**§ 2**

Inatsisartut inatsisaat ulloq 1. januar 2021 atuutilerpoq aammalu ukioq isertitaqarfiusoq 2021 aallarnerfigalugu atuulluni.

*Namminersorlutik Oqartussat, ulloq 19. november 2020*

Kim Kielsen

**Namminersorlutik Oqartussat**  
Imaneq 4  
3900 Nuuk  
E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit  
Namminersorlutik Oqartussat inatsisinut toqqorsiviat  
Naalakkersuisut